

# L'OCCITAN RESTABLIT DINS SA FONOLOGIA

Joan Penent

Presentam aquí lo tractament de las consonantas a la fin dels mots, segon las règles multisecularas e unitàrias de l'occitan.

Los exemples son traits del lengadocian central e del provençal mistralenc, respectivament representatius dels espacis lingüistics aquitanopirenenc (gascon e lengadocian) e arvernomediterranèu (lemosin, auvernhat, gavòt e provençal).

Prepausam de retrobar l'occitan dels occitanofònes, lo de Godelin, de Mistral, de Delavoet e de Bodon abans « correccions ». E, amb l'ajuda d'Alibèrt (1966, p. 45), de complir son òbra, deliurada d'una ideologia d'un autre temps.

L'occitan arvernomediterranèu amudís las consonantas finalas ignòra lo plural « sensible ».

## LETRA B

### MOTS DE FORMACION POPULARA.

#### Espaci aquitanopirenenc.

Es prononciada p : *Jacòb ; Jòb ; nabab ; Maghrèb ; adob ; òrb ; còrb...* mas es amudida aprèp m : *amb ; colomb ; plomb...* la b se torna prononciar dins los derivats (*un colombat...*) e las ligasons amb una vocala (*un colomb als peses ; amb aquò...*)

#### Espaci arvernomediterranèu.

Es amudida o pren una e de sosten quand la comprehension l'exigís : *Jacòbe ; nabab ; adob ; colomb, plomb...*

### MOTS DE FORMACION SABENTA.

#### Règla ortografica comuna.

Pren una e de sosten per se manténer aprèp una vocala : *occitanifòbe : glòbe : monosillabe : dissillabe : trissillabe : polisillabe : decasillabe : efèbe : cube : arabe...* e aprèp r, l e m : *vèrbe : acèrbe : supèrbe : imbèrbe : galbe : bulbe : ditirambe : lambe...*

## LETRA C

### MOTS DE FORMACION POPULARA ;

#### Espaci aquitanopirenenc.

Es amudida aprèp l e r : *codèrc ; espinarc ; cadafalc...* mas es mantenguda dins los monosillabes : *arc ; cerc ; circ ; pòrc ; forc ; turc ; colc ; talc ; calc...*

Es mantenguda aprèp s mas pren una e de sosten al masculin plural : *monegasc, monegasca / monegasques, monegascas ; bergamasc, bergamasca / bergamasques, bergamascas ; tudesc, tudesca / tudesques, tudescas ; barbaresc, barbaresca / barbaresques, barbarescas ; picaresc, picaresca / picaresques, picarescas ; dantesc, dantesca / dantesques, dantescas ; libresc, libresca / libresques, librescas ; gigantesc, gigantesca / gigantesques, gigantescas ; quiòsc / quiòsques...*

#### Espaci arvernomediterranèu.

Es amudida en fin de mot : *coderc ; espinarc ; couc ; cadafauc... / pòrc... bòsc ; clòsc ; fosc...*

### MOTS DE FORMACION SABENTA.

#### Regla ortografica comuna.

Prene una e de sosten aprèp l e r ; *oricalque ; eresiårque ; Plutarque ; Anaxarque ; Aristarque...*

Se manten aprèp vocala en aquitanopirenenc mas es amudida en arvernomediterranèu ; *dionisiac ; elegiac ; maniac ; paradisiac ; zodiac ; toracic ; oligarquic ; onorific ; magnific ; scientific ; analogic ; mitologic ; alcoolic ; idillic ; astronomic ; ironic ; platonic ; olimpic ; grafic ; allegoric ; jurassic ; poetic ; cromatic ; matematic ; zigomatic ; toxic ; ventrilòc ; recipròc ; caduc ; eunuc...*

## LETRA Ç

### MOTS DE FORMACION POPULARA.

#### Espaci aquitanopirenenc.

La ç finala es prononciada : *tròç ; glaç ; cauç ; percaç ; petaç ; braç ; arboç...* Pren una e de sosten al plural : *tròces ; glaces ; cauces ; petaces ; braces...*

#### Espaci arvernomediterranèu.

La ç finala es amudida o pren una vocala de sosten.

### MOTS DE FORMACION SABENTA.

#### Règle ortografica comuna.

La ç finala pren una e de sosten ; *eficace ; perspicace ; fugace ; sagace ; contumace ; tenace ; rapace ; feròce ; vorace ; vivace ; atròce...*

## LETRA D

### MOTS DE FORMACION POPULARA.

#### Espaci aquitanopirenenc.

Aprèp vocala es prononciada t : *belgrad ; Nemròd ; Astrid ; nud ; caud...*

Mas es amudida aprèp n, l e r : *mond ; redond ; grand ; Rodland ; prigond ; Raimond ; Arnald ; Rainald ; Audoard ; estandard...* Es amudida tanben aprèp la sillaba tonica : *Jáufred ; Álfred ; Mátfred...*

La d amudida se torna prononciar dins los derivats (*mondial...*) e passa a t dins las ligasons amb una vocala (*un grand òme...*).

#### Espaci arvernomediterranèu.

Es amudida o pren una e de sosten (*Belgrade...*).

### MOTS DE FORMACION SABENTA.

#### Règle ortografica comuna.

Pren una e de sosten per se manténer : *centigrade ; plantigrade ; Encelade ; palmipède ; acide ; lucide ; valide ; timide ; ovoïde ; torride ; cupide ; période ; antipòde ; Eròde ; metòde ; monde (las gents) ; dividende...*

Una exception, la finala d es prononciada t en aquitanopirenenc : *altitud ; solitud ; negritud ; sollicitud ; beatitud...* mas es amudida en arvernomediterranèu.

## LETRA F

### MOTS DE FORMACION POPULARA.

#### Espaci aquitanopirenenc.

Es prononciada dins quelques mots monosyllabics : *gof ; buf ; tuf...*

Es amudida aprèp l dins los prenoms d'origina germanica : *Bardolf ; Raolf ; Rodolf ; Adolf...* Non es atestada en fòra d'aqueles exemples.

La f amudida se torna prononciar dins los derivats (*Adolfina...*)

#### Espaci arvernomediterranèu.

Pren una e de sosten o s'amudís : *bofe ; adoufe ; rodoufe... Adou ; Rodou...*

### MOTS DE FORMACION SABENTA.

#### Règle ortografica comuna.

Pren una e de sosten per se manténer : *fotografe ; etnografe ; filosòfe ; triglife ; apocrife...*

## LETRA G DURA

### MOTS DE FORMACION POPULARA.

#### Espaci aquitanopirenenc.

Es prononciada k dins los mots monosyllabics : *gorg ; larg ; borg ; castig...*

Mas torna préner sa valor dins los derivats (*gorgada ; largament ; borquet ; castigar*)

es amudida aprèp r : *icebèrg, reguèrg...*

Qualques exemples de e de sosten : *Domergue ; clergue ; diague ; largue ; reguèrgue...*

Espaci arvernomediterranèu.

Pren una e de sosten o es amudida.

#### MOTS DE FORMACION SABENTA.

Règla ortografica comuna.

Prene una e de sosten per se manténer : *dialògue ; epilògue ; astrològue ; analògue ; arqueològue ; exèrgue ; prodigue...*

#### LETRA G DOÇA

#### MOTS DE FORMACION POPULARA.

Espaci aquitanopirenenc.

Es prononciada tch dins quelques mots monosyllabics : *gaug ; puèg ; pièg ; brug ; corròg ; fag ; lag...*

Al plural, aqueles mots prenon una e de sosten : *gauges ; puèges ; mièges ; bruges ; corròges ; fages ; lages...*

Espaci arvernomediterranèu.

La finala es amudida al singular coma al plural : *gaug ; pueg ; mieg ; brug...*

#### LETRA H

#### MOTS DE FORMACION POPULARA.

Espaci aquitanopirenenc.

En finala, los diagrafes lh e nh se redusisson a l e n : *trabalh ; dalh ; metalh ; castanh ; talh ; punh ; cunh...*

Espaci arvernomediterranèu.

En finala lo digrafe lh es vocalizat e lo digrafe nh neutralizat : *trabalh ; dalh ; talh ; castanh ; punh ; cunh...*

#### LETRA L

#### MOTS DE FORMACION POPULARA E SABENTA.

Espaci aquitanopirenenc.

La l se manten quand acompanha la vocala tonica : *mal ; tal ; aital ; senhal ; cabiròl... / general ; sentimental ; constitucional...*

Es amudida s'es plaçada aprèp la sillaba tonica : *agradívol ; àngel ; màntol ; Bàrdol ; Ródol ; Àdol* (variantas amb la f suprimida)...

la l amudida se torna prononciar dins los derivats (*angelic...*) e las ligasons amb de vocalas (*un màntol obèrt...*)

Espaci arvernomediterranèu e Gasconha.

La l finala es vocalizada en u : *mau ; tau ; aitau ; senhau ; cabiròu... / generau ; sentimentau ; constitucionau...*

#### MOTS DE FORMACION SABENTA.

Règla ortografica comuna.

Quand la l finala non se pòt vocalizar, pren una e de sosten : *opale ; petale ; Tantale ; Vandale ; agile ; parallèle ; dificile ; utile ; fossile ; alveòle ; frivòle ; fascicule ; minuscule ; ridicule ; credule ; emule ; ovale ; dolicocefale ; catalanofile...*

#### LETTRAS LL

#### MOTS DE FORMACION SABENTA.

Règla ortografica comuna.

Las geminadas ll devon aparéisser dins l'escrit, quitament se una sola l es prononciada (espaci arvernomediterranèu). Prenon una e de sosten : *libelle* ; *rebelle* ; *imbecille* ; *tranquille* ; *pupille* ; *bacille* ; *codicille* ; *protocölle*...

## LETRA M

### MOTS DE FORMACION POPULARA.

#### Espaci aquitanopirenenc.

Es prononciada n : bertram ; *Guilhèm* ; *vim* ; *rasim* ; *quicòm* ; *volum (aucèls)* ; *feram* ; *Amsterdam* ; *bataclam* ; *volèm* ; *seriam* ; *lum*...

La m amudida se torna prononciar dins los derivats (*luminós...*) mas demòra n dins las ligasons amb de vocalas.

#### Espaci arvernomediterranèu.

Pren una e de sosten : *Bertrame* ; *Guilheume* ; *vime* ; *volume* ; *lume*...

### MOTS DE FORMACION SABENTA.

#### Règla ortografica comuna.

Es sostenguda per una e aprèp r, l, t, s : *infirme* , *infòrme* ; *filme* ; *èlme* ; *Ansèlme* ; *logaritme* ; *ritme* ; *sarcasme* ; *Erasme* ; *istme* ; *solecisme*...

Es sostenguda per una e per gardar sa valor : *infame* ; *intime* ; *legitime* ; *sinonime* ; *aerodròme* ; *ipopotame*...

## LETRA N

### MOTS DE FORMACION POPULARA.

#### Espaci aquitanopirenenc.

Es amudida aprèp vocala (levat en Gasconha centrala) e aprèp r : *deman* ; *man* ; *autan* ; *vin* ; *camin* ; / *govèrn* ; *ivèrn* ; *vèrn* ; *Salèrn* ; *casèrn* ; *Tarn* ; *Bearn*...

Pòt èsser amudida al dintre dels mots : *enfant* ; *infèrn*...

La n amudida se torna prononciar dins los derivats (*caminòl...*) e las ligasons amb una vocala (*lo Tarn-e-Garonna...*)

#### Espaci arvernomediterranèu.

Es prononciada aprèp vocala e amudida aprèp r : *deman* ; *man* ; *vin* ; *camin...* / *govèrn* ; *ivèrn* ; *vèrn* ; *Salèrn* ; *casèrn*...

### MOTS DE FORMACION SABENTA.

#### Règla ortografica comuna.

Es prononciada : *mecanician* ; *cirurgian* ; *occitan* ; *lengadocien* ; *musulman* ; *aeroplan* ; *intestin* ; *paroxiton* ; *examèn* ; *abdomen* ; *ciclamèn* ; *cerumèn* ; *dolmèn* ; *duramèn* ; *flegmon*...

Es sostenguda dins una seria de mots amb sufíxes en *-fòn*, *-gène*, *-gine*, *-gòne* -*mane* (lat. mania), *-cròne*... o divèrses neologismes scientifics : *telefòn* ; *isocròne* ; *androgine* ; *poligòne* ; *melomane* ; *piromane* ; *oxigène* ; *aborigène*... *acetilène* ; *metane* ; *ozòne*...

Es sostenguda aprèp r : *modérne* ; *subalterne* ; *Oloferne* ; *interne* ; *extérne* ; *Arvèrne* ; *alterne* ; *quatèrne*...

## LETRA P

### MOTS DE FORMACION POPULARA.

#### Espaci aquitanopirenenc.

Es totjorn prononciada : *galaup* ; *esclòp* ; *grop* ; *tròp* ; *isòp* ; *còp* ; *tremp* ; *estrop* ; *lop* ; *cap* ; *grèp* ; *palp* ; *sèrp* ; *carp*... *escaup* (angl.) ; *andicap* (angl.).

#### Espaci arvernomediterranèu.

Es amudida o pren una e de sosten : *galaup* ; *esclòp* ; *grop* ; *tròp* ; *isòp* ; *còp* ; *estrop* ; *lop*...

### MOTS DE FORMACION SABENTA.

### Règla ortografica comuna.

La p es sostenguda per una e : *tipe* ; *etnotipe* ; *prototipe* ; *arquetipe* ; *escalpe* ; *misantròpe* ; *licantròpe* ; *pitecantròpe* ; *oroscòp*... *Priape* ; *Esòpe* ; *ciclòpe*...

## LETRA R

### MOTS DE FORMACION POPULARA E SABENTA.

#### Espaci aquitanopirenenc.

Es amudida dins los verbs e dins los adjectius e substantius en -or : *cantar* ; *seguir* ; *voler*... *trobador* ; *calfador*... e dins los substantius en -ar : *favar* ; *segalar* ; *pilar* ; *golar* ; *singlar*...

La r amudida se torna prononciar dins los derivats (*trobadorenc* ; *cantarel* ; *favaral*...) mas demora muda dins las ligasons.

Es prononciada dins los prenoms : *Victòr* ; *Alienòr* ; *Polidòr* ; *Nicefòr* ; *Nabucodonosòr*... dins los adjectius : *escur* ; *futur* ; *madur* ; *segur*... e dins los monosyllabes : *clar* ; *mar* ; *fèr* ; *ièr* ; *còr* ; *dur*...

#### Espaci arvernomediterranèu.

Es prononciada dins los substantius e los adjectius, en -or : *bufador*, *trobador*, *parlador*...

### MOTS DE FORMACION SABENTA.

#### Règla ortografica comuna.

Es prononciada dins los adjectius e substantius sabents en -ar ; -èr ; -ir ; -òr ; -ur : *escolar* ; *militar* ; *exemplar* ; *fructifèr* ; *carnivòr* ; *clorur* ; *augur*... La tendéncia orala es d'apondre una e als mots en -èr, -òr, -ur e una i als mots en -ar...

## LETRA S

### MOTS DE FORMACION POPULARA E SABENTA.

#### Espaci aquitanopirenenc.

Es prononciada, quitament se la consonanta precedenta es amudida : *temps* ; *cauç* ; *fals / faus* ; *cauces* ; *immòbles*...

Dins lo còrs dels mots, la s pòt provocar l'amudiment de la r : *escars* ; *dorsièr* ; *mòrs* ; *traversar* ; *recorsas* ; *escorsièras*...

#### Espaci arvernomediterranèu.

Las s finalas son amudidas.

## LETRA T

### MOTS DE FORMACION POPULARA.

#### Espaci aquitanopirenenc.

Es prononciada aprèp vocala : *gat* ; *aparrat* ; *aucat* ; *cantat* ; *volguèt* ; *polet* ; *acostumat* ; *saut* ; *esmaut* ; *mout*... e dins los monosyllabes : *vòlt* ; *tilt* ; *Òlt* ; *còlt* ; *solt*...

Es prononciada aprèp s : *ast* ; *vist* ; *mast* ; *Larbost* ; *fust* ; *gèst* ; *prèst* ; *prevòst* ; *impòst* ; *tust* ; *tast* ; *òst* ; *còst* ; *gost* ; *Crist* ; *August*...

Los plurals dels adjectius e noms comuns se fan amb l'ajust de e (*astes* ; *prèstes*...)

Es amudida quand es precedida de n e r : *enfant* ; *moment* ; *elefant* ; *gigant* ; *comerçant* ; *absoludament* ; *aferent* ; *opulent* ; *pigment* ; *implant* ; *Alacant*... *Gilabèrt* ; *Dagobèrt* ; *ofèrt* ; *espèrt* ; *dessèrt* ; *obèrt* ; *escart*...

La t se torna prononciar dins los derivats (*un gigantàs* ; *pigmentar*...) e las ligasons amb de vocalas (*tant e mai*...)

#### Espaci arvernomediterranèu.

La t finala es totjorn amudida.

### MOTS DE FORMACION SABENTA.

#### Règla ortografica comuna.

Prenon una e de sosten : los noms tocant a la quimia : *nitrate* ; *fosfate* ; *nitrite*... e los noms e adjectius non eissuts de verbs mas de substantius e adjectius latins : *licite* ; *implicite* ; *acolite* ; *merite* ; *primate*...

Prenon una e de sosten : los substantius acabats en *-nt*, *-lt*, *-rt*, *-ct*, *-pt*, *-st*, *-xt* : *mastodonte* ; *atlante* ; *amiante* ; *jacinte* ; *amarante* ; *arconte*.../ *asfalte* ; *basalte* ; *adulte* ; *culte* ; *desinvòlte*.../ *inèrte* ; *expèrte* ; *disèrte*.../ *dirècte* ; *objècte*.../ *exempte* ; *apte* ; *prompte*.../ *nefaste* ; *contraste* ; *vaste* ; *incèste* ; *modèste* ; *manifèste* ; *digèste* ; *gèste* ; *agrèste* ; *celèste* ; *funèste* ; *arbuste* ; *buste* ; *juste* ; *faste* ; *triste*.../ *tèxte* ; *pretèxte* ; *sèxte* ; *contèxte*...

## LETRA V

### MOTS DE FORMACION POPULARA.

#### Espaci aquitanopirenenc.

Es amudida o pren una e de sosten : *salv, a* > *salve, a* ; *resòlv* ; *absòlv* ; *calv, a* > *cauv, a* / *calvet, a* ; *sèrv, a*... Se torna prononciar dins los derivats. En gascon, es prononciada p al masculin e b al feminin : *sauv, a* ; *cauv, a*.

#### Espaci arvernomediterranèu.

Es amudida o pren una e de sosten : *sauve, a* ; *resòuv* ; *absòuv* ; *cauv, a* / *cauvet, a*...

## LETRA X

### MOTS DE FORMACION SABENTA.

#### Règle ortografica comuna.

Prenon una e de sosten : *circomflèxe* ; *reflèxe* ; *annèxe* ; *connèxe* ; *complèxe* ; *implèxe* ; *perplèxe* ; *convèxe* ; *sèxe* ; *ortodòxe*...

Excepcions pels mots latins : *codèx* ; *indèx* ; *culèx* ; *silèx* ; *murèx*... e grècs : *torax* ; *nartèx*...

Al plural : *codèxes* ; *indèxes*... *toraxes* ; *nartèxes*...

## LETRA Z

### MOTS DE FORMACION POPULARA.

#### Espaci aquitanopirenenc.

Se pronòncia s : *votz* ; *potz* ; *cantairitz*... los plurals son *voses* ; *poses* ; *cantairises*... Mots rares : *gaz*, *gazes*...

#### Espaci arvernomediterranèu.

Las finalas -z e -tz se reduson a s al singular e al plural.

### MOTS DE FORMACION SABENTA.

#### Règle ortografica comuna.

Al singular : *conservatritz* ; *restauratritz* ; *directritz*... Mas al plural en aquitanopirenenc : *conservatrises* ; *restauratrises* ; *directrises*...

*Grandmercés a Florian Vernet*